



Adresa: **Ul. H. Ćemerlića 39**
71000 Sarajevo
<http://www.voda.ba>

tel. +387 33 726 412
fax. +387 33 726 414
e – mail: info@voda.ba

Broj: UP-1/21-3-40-260-4/22
Datum: 13.07.2022. godine

«Agencija za vodno područje rijeke Save» Sarajevo rješavajući po zahtjevu pravnog lica „UM BETON“ d.o.o. Bugojno u postupku izdavanja vodne dozvole za ispuštanje tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada kompleksa za eksploataciju mineralne sirovine-dolomita, sa pratećim objektima i sadržajima sa kamenoloma „Nikolin potok“, općina Bugojno na osnovu člana 139. stav (1) tačka 3. i 10. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnome postupku („Službene novine Federacije BiH“, broj 2/98 i 48/99), donosi:

RJEŠENJE **o vodnoj dozvoli**

1. Daje se vodna dozvola pravnom licu „UM BETON“ d.o.o. Bugojno za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta i ispuštanje tehnoloških i oborinskih onečišćenih voda sa kamenoloma „Nikolin potok“ koji se koristi za eksploataciju mineralne sirovine-dolomita na površini, definiranoj s prelomnim tačkama:

Točka	Y	X
A	6 449 445	4 877 655
B	6 449 430	4 877 695
C	4 449 870	4 877 695
D	4 449 725	4 877 855
E	6 449 490	4 877 795
F	6 449 770	4 877 578
G	6 449 750	4 877 567
H	6 449 740	4 877 564
I	6 449 728	4 877 568
J	6 449 708	4 877 578
K	6 449 674	4 877 594
L	6 449 642	4 877 606
M	6 449 601	4 877 617
N	6 449 567	4 877 619
O	6 449 540	4 877 622
P	6 449 508	4 877 626
R	6 449 974	4 877 638

na ukupnoj površini od 7,96 ha.

2. Ova vodna dozvola se odnosi isključivo na objekt i aktivnosti definirane tačkom 1. Rješenja i ne oslobađa podnosioca zahtjeva obaveze pribavljanja vodne dozvole za korištenje vode i ispuštanje sanitarnih otpadnih voda, a za čije izdavanje je nadležno Ministarstvo poljoprivrede, šumarstva i vodoprivrede Kantona Središnja Bosna, u skladu

sa članom 139. stav 2. točka 1. i 2. Zakona o vodama («Službene novine Federacije BiH» broj 70/06).

3. Vodna dozvola se daje na osnovu pregleda dostavljene dokumentacije, izvršenog uviđaja, utvrđenog činjeničnog stanja i uz slijedeće uvjete:
 - 3.1. Da korisnik izgrađenih objekata i instalirane opreme koji se koriste za eksploataciju mineralne sirovine-dolomita, održava u funkcionalnom stanju i koristi u skladu sa njihovom namjenom i uvjetima iz ove vodne dozvole.
 - 3.2. Da korisnik predmetnog objekta, za vrijeme trajanja ove dozvole, osigura da se onečišćene vode sa prometnih, radnih i manipulativnih površina, nesmetano sakupljaju i odvođe do objekta predviđenog za tretman tehnoloških otpadnih voda (taložnika i separator ulja i masti), a zatim ovako tretirane vode, preko kontrolnog okna upuštaju u lokalni recipijent.

Ispuštena voda mora zadovoljiti propisane granične vrijednosti emisije definirane Prilogom 27. Uredbe o uvjetima ispuštanja otpadnih voda u prirodne recipijente i sisteme javne kanalizacije («Sl. novine Federacije BiH», broj: 26/20 i 96/20).
 - 3.3. Čišćenje i održavanje strojeva vršiti isključivo na betonskoj podlozi s izvedenim sustavom odvodnje prema taložnicima odnosno uređaju za prečišćavanje otpadnih voda.
 - 3.5. Objekte čija je svrha odvođenje i prečišćavanje onečišćenih voda (taložnici, separator ulja i masti, slivnici i rešetke, kanalizaciona mreža) treba redovno održavati i koristiti na način koji će osigurati njihovu potpunu ispravnost i funkcionalnost.
 - 3.6. Čišćenje i pražnjenje uređaja za tretman otpadnih voda, može vršiti isključivo firma ovlaštena za tu vrstu djelatnosti, prema posebnom ugovoru.

Korisnik je obavezan da redovno vodi dnevnik o pražnjenju i odvozu sadržaja taložnika i separatora ulja i masti, izdvojenim naftnim derivatima i talogu iz taložnika i separatora ulja i masti.
 - 3.7. Osigurati priručna sredstva za brzu intervenciju u slučaju nekontroliranog istjecanja nafte i naftnih derivata na površini koja se koristi za pretakanje nafte i naftnih derivata kao i ostalim površinama po kojima se kreću strojevi i vozila na SUS pogon kako bi se spriječilo moguće onečišćenje voda i tla (piljevina, prikladni absorbensi, odgovarajuće posude, uređaji za pretakanje i sl.).
 - 3.8. Talog iz taložnika i separatora se ne smije ni privremeno odlagati na česticu „vodno dobro“, odnosno u vodotoke i na njegove obale.
 - 3.9. Da se sa opasnim i štetnim materijama postupa savjesno pri skladištenju, transportu i pretovaru kako ne bi došlo do štetnih posljedica po tlo i vode, uslijed prosipanja istih.
 - 3.10. Da se svim aktivnostima koje se provode na eksploataciji mineralne sirovine-dolomita ne smije ugroziti kvaliteta tla a time i kvaliteta i režim podzemnih voda.
 - 3.11. Da se redovno vrši monitoring prečišćene otpadne vode iz okna za monitoring shodno članu 19. i 20. Uredbe o uvjetima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostave Agenciji u skladu sa članom 23. iste Uredbe.

Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uvjetima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH“, broj 14/10, 14/13 i 26/14).
 - 3.12. Da se za vrijeme trajanja dozvole za izgrađene objekte da se ishodi, pravomoćna upotrebna i okolišna dozvola.
4. Vlasnik, odnosno korisnik objekta je obavezan voditi propisane evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije

BiH", broj 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.

5. U periodu važenja ove dozvole, „UM BETON“ d.o.o. Bugojno je dužan provoditi sve mjere i aktivnosti propisane istom.
6. U slučaju izvanrednih situacija, nekontroliranih onečišćenja i drugih sličnih okolnosti, čime bi bio ugrožen kvaliteta podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete trećim licima nadoknaditi.
7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog objekta obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, shodno članu 117. stav 1 Zakona o vodama („Službene novine Federacije BiH“ broj 70/06) se daje sa rokom važenja od pet (5) godina od dana pravosnažnosti rješenja.
10. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravni subjekt „UM BETON“ d.o.o. Bugojno se pismenim zahtjevom obratio ovoj Agenciji tražeći izdavanje vodne dozvole za aktivnosti koje mogu imati specifične uticaje na vode, a odnose se na eksploataciju mineralne sirovine-dolomita sa površinskog kopa, kamenoloma „Nikolin potok“ definiranog sa prelomnim točkama naznačenim u točki 1.ovog Rješenja.

U provedenom postupku dostavljena je i pregledana slijedeća dokumentacija:

- Ovjerena kopija Rješenja o upisu u sudski registar, broj: U/I-169/03 od 26.03.2003. godine, izdanog od strane Općinskog suda u Travniku,
- Ovjerena kopija Uvjerenja o poreskoj registraciji, od 20.01.2012.godine, izdanog od strane Porezne uprave – Kantonalni ured Novi Travnik,
- Ovjerena kopija Uvjerenja o upisu u jedinstveni registar obveznika indirektnih poreza broj 04/5-1/III-17-1-D-8000-2826/05 od 11.11.2005. izdanog od strane Uprave za indirektno-neizravno oporezivanje Banja Luka,
- Kopija uplatnice administrativne takse,
- Kopiju Rješenja o lokacijskoj dozvoli br: UPI/03-23-2-330/14SK od 12.11.2015., izdano od Federalnog ministarstva prostornog uređenja Federacije BiH,
- Kopiju Rješenja o odobrenju za građenje br. 04-18-3143/15 od 15.04.2014..god. izdano od Ministarstva privrede kantona Središnja Bosna,
- Rješenje o okolišnoj dozvoli br. UPI-05/2-23-11-33/14MK od 28.03.2013 izdano od Federalnog ministarstva okoliša i turizma,
- Rješenje o izdanoj Vodnoj dozvoli broj UP-I/25-3-40-175-9/14 od 16.06.2014. izdane od AVP Sava,
- Glavni projekt vodovoda i kanalizacije s tretmanom otpadnih voda izrađen od „PERSPEKTIVA-inžinjeri“ d.o.o. Visoko, oznake 30L.S.PER.V/14 od svibnja 2014.,
- Tehnički elaborat o ispuštanju otpadnih voda za kamenolom Nikolin potok izrađen od „PERSPEKTIVA-inžinjeri“ d.o.o. Visoko oznake 30LS.PER.V/14.,

- Godišnji plan monitoringa otpadnih voda za 2017.god oznake IN-I-793/17 OD 6.3.2017. izrađen od Inspekt RGH d.o.o. Sarajevo,
- Jamstveni list za ugrađeni separator ulja i masti izdan od AG METAL d.o.o. Zenica,
- Uvjerjenje o kvaliteti separatora ulja i masti izdan od PRISTNER d.o.o. Zagreb,
- Ugovor o čišćenju i održavanju separatora ulja i masti sklopljen s DELTA PETROL d.o.o. Kakanj od 14.5.2015.,
- Izvještaj o monitoringu otpadnih voda br. 85/22 od 2/20122 izrađen od Inspekt RGH d.o.o. Sarajevo,
- Kopija uplatnice po Zaključku o posebnim troškovima.

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata („Službene novine Federacije BiH“, broj 31/15, 55/19 i 41/20), izvršen je uviđaj na terenu i tom prilikom sačinjen Zapisnik broj: UP-I/21-3-40-260-3/22 od 12.07.2022. na kome je konstatirano sljedeće:

Na kamenolomu „Nikolin potok“ okonturenom prema prelomnim točkama navedenim u točki 1. ovog Rješenja vrši se eksploatacija mineralne sirovine-dolomita bez korištenja tehnološke vode izuzev za obaranje prašine.

U projektno tehničkoj dokumentaciji navodi se da nastaju dvije vrste otpadnih voda i to fekalne i oborinske vode, konstatirajući da po svom kvalitetu sve otpadne vode odgovaraju kvaliteti otpadnih voda koje potječu iz domaćinstva, tj sa niskim opterećenjem. Također se navodi da oborinske vode koje nastaju u krugu kamenoloma, na otvorenom depou iskopanog dolomita, nisu zagađene, s obzirom da se ruda odlaže u prirodnom stanju, odnosno ne radi se nikakva prerada, te tako iste ne predstavljaju otpadne tehnološke vode“.

Međutim i pored ovog navoda, može se zaključiti da nastaju, pored oborinskih, onečišćene vode tijekom obaranja prašine u procesu eksploatacije, onečišćene vode, opterećenih suspendiranim materijama koje se skupljaju u rubnim taložnicima i nakon istaloženja vraćaju se na osnovnu deponiju, a prečišćena voda se upušta u okolni recipijent.

Pretakanje nafte i naftnih derivate se vrši na vodonepropusnoj podlozi sa tankvanom za prihvatanje naftnih derivata iz spremnika u slučaju izlivanja iz iste. Spremnik za naftu je 3 m³ a tankvana 3,5 m³.

Izrađen sustav odvodnje otvorenim kanalima prema taložniku koji je spojen na separator ulja i masti s prelivom u kontrolni šaht i ispustom u recipijent –Nikolin potok.

Čišćenje i održavanje separatora ulja vrši ovlašteno poduzeće za tu vrstu aktivnosti „DELTA PETROL“ d.o.o. Kakanj.

Izrađena vodonepropusna septička jama za prihvatanje fekalnih i sanitarnih voda koju održava i prazni JKP „Vodovod i čistoća“ d.o.o. Bugojno.

Sve navedene aktivnosti su urađene po projektno tehničkoj dokumentaciji izrađenoj od „PERSPEKTIVA-inžinjeri“ d.o.o. Visoko.

Izvještaj o rezultatima ispitivanja kvantitativnih karakteristika efluenta sa programom praćenja stanja voda, provodi Inspekt RGH d.o.o. Sarajevo i izvještaj broj br. 85/22 od 2/20122, ukazuje da su svi parametri prečišćenih otpadnih voda u granicama propisanih važećim uredbama.

U cilju utvrđivanja činjenica vezanih za ispunjenje uslova u smislu izvršavanja obaveza propisanih tačkom 4. iz prethodnog Rješenja o vodnoj dozvoli (broj: UP-I/25-3-40-260-4/17 od 24.05.2017. godine) zatraženo je očitovanje Službe za prikupljanje prihoda od vodnih naknada ove Agencije po pitanju izmirivanja obaveza uplate posebnih vodnih naknada, tj. eventualnom dugu i visini duga podnosioca zahtjeva.

Na osnovu očitovanja Službe za prikupljanje prihoda od vodnih naknada od 31.05.2022. godine konstatirano je da je podnosilac zahtjeva UM BETON d.o.o. Bugojno redovno izmiruje svoje obaveze uplate posebnih vodnih naknada.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, podnosiocu zahtjeva su ovim vodnim aktom, u točki 3. dispozitiva rješenja, shodno odredbama člana 116. Zakona o vodama, članova 12. i 13. Pravilnika o sadržaju, obliku,

uvjetima i načinu izdavanja i čuvanja vodnih akata («Službene novine Federacije BiH» broj 31/15, 55/19 i 41/20) i Uredbe o uvjetima ispuštanja otpadnih voda u okoliš i sisteme javne kanalizacije propisani uvjeti kojih se korisnik pogona ima pridržavati.

Točkom 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11 i 88/12) i Odlukom o visini posebnih vodnih naknada («Službene novine Federacije BiH», broj 46/07).

Na osnovu provedenog postupka i utvrđenog činjeničnog stanja, doneseno je rješenje kao u dispozitivu.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, broj 06/98, 8/00, 45/10 i 45/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja.


Žalba se predaje ovom organu neposredno ili preporučenom poštom. Žalba se taksira sa 15,00 KM administrativne takse.

Obrađivač akta:

Marko Barić, dipl.inž.grad.

Po ovlaštenju

Rukovodilac sektora za
izdavanje vodnih akata


Haris Ališehović, dipl.inž.grad.

Dostaviti:

- „UM BETON“ Čipuljići bb, Bugojno
- AVP, ISV – Vodna knjiga
- 📁 Sektor 40 omot spisa
- Sektor 50
- Oglasna ploča-AVP Sava